



**МОНГОЛ УЛСЫН
ЭРҮҮЛ МЭНДИЙН ЯАМ**

14210 Улаанбаатар хот, Сүхбаатар дүүрэг,
Олимпын гудамж 2, Засгийн газрын VIII байр,
Утас: 26-36-95, Факс: (976-11) 32-35-41, 32-09-16
И-мэйл: moh@moh.gov.mn, http://www.mohs.mn

2021.12.28 № 1а/6999

танай _____-ны № _____-т

АЙМАГ, НИЙСЛЭЛИЙН ЭРҮҮЛ
МЭНДИЙН ГАЗРЫН ДАРГА, БҮСИЙН
ОНОШИЛГОО, ЭМЧИЛГЭЭНИЙ ТӨВ,
ТӨВ ЭМНЭЛЭГ, ТУСГАЙ МЭРГЭЖЛИЙН
ТӨВИЙН ДАРГА, ЗАХИРАЛ НАРТ

Шинэ жилийн баярын үеэр эмнэлгийн
тусламж, үйлчилгээний бэлэн байдлыг
хангаж ажиллах тухай

Шинэ жилийн баярын амралтын өдрүүдэд ард иргэдэд шаардлагатай эмнэлгийн тусламжийг цаг алдалгүй чанартай, хариуцлагатай үзүүлэхийг анхааруулж дараах зөвлөмж, чиглэлийг хүргүүлж байна. Үүнд:

Нэг: Зохион байгуулалтын талаар:

1. Шинэ жилийн баярын амралтын өдрүүдэд эмч, эмнэлгийн мэргэжилтэн, үйлчилгээний ажилтны анхаарал сулрах, хариуцлага алдах, ажлын байрыг орхиж явах, ажлын байранд согтууруулах ундаа хэрэглэх зэрэг зөрчлийг гаргахгүй байх, байнгын хяналт тавьж ажиллах;
2. Хариуцлагатай жижүүр хийх, алсын дуудлаганд явах эмч, сувилагч, бусад мэргэжилтэн, туслах ажилтнуудын хуваарийг батлан, хуваарийн дагуу бэлэн байлгах;
3. Коронавируст халдвар (КОВИД-19)-ын нөхцөл байдалтай уялдуулан хариу арга хэмжээний бэлэн байдлыг шуурхай хангах, халдварын сэргийлэлт, хяналт, тандалтыг өндөржүүлж, хариуцлага, сахилга бат, дэг журмыг чанд сахих;
4. Эрүүл мэндийн салбарын эмч, эмнэлгийн мэргэжилтэн, эрүүл мэндийн ажилтнууд амралт, баяр, ёслолын өдрүүдэд гар утсаа нээлттэй байлгах;
5. Эмнэлгийн тусламж, үйлчилгээний хүлээгдэл, шатлал болон эмнэлэг хооронд өвчтөн шилжүүлэх асуудлыг шуурхай зохион байгуулах;
6. Болзошгүй гамшиг, осол, хордлого, онцгой байдлын үед ажиллах төлөвлөгөө, ор дэлгэх тооцоо, судалгаа гаргаж, төлөвлөгөөг тодотгох;
7. Эмнэлгийн яаралтай тусламж, сэхээн амьдруулах эрчимт эмчилгээний тасаг нэгжийн ор, хүний нөөц, багаж тоног төхөөрөмжийн бэлэн байдлыг хангаж ажиллах.

Хоёр: Эмнэлгийн тусламж, үйлчилгээний найдвартай тасралтгүй байдлыг хангах талаар:

1. Баярын өдрүүдэд хүндэрсэн, хүндэрч болзошгүй өвчтөн, эх, хүүхдэд тусламжийг шуурхай үзүүлэх, дуудлагын эмч, эмнэлгийн мэргэжилтнийг бэлэн байлгах;

144113921

2. Эмч нарын хамтарсан үзлэг, зөвлөгөөнийг хугацаа алдалгүй хийж, шаардлагатай тохиолдолд өвчтөнийг шилжүүлэх ажлыг чирэгдэлгүй, аюулгүй, шуурхай зохион байгуулах;
3. Төв эмнэлэг, тусгай мэргэжлийн төвүүд эмнэлзүйн чиглэлээр орон нутгийн эрүүл мэндийн байгууллагыг лавлагаат тусламж, үйлчилгээ, мэргэжлийн аргазүйгээр ханган ажиллах;
4. Эмнэлгийн тусламж, үйлчилгээний эмнэлзүйн заавар, стандартыг чанд мөрдөх, аюулгүй ажиллагааг хангах;
5. Зайлшгүй шаардлагатай яаралтай тусламжийн эм, тариа, ороох боох материал, цус, цусан бүтээгдэхүүний бэлэн байдлыг тогтвортой хангах;
6. Яаралтай тусламжийн тасгаар ирсэн өвчтөнд бүрэн үзлэг хийж, оношилгоо, эмчилгээний асуудлыг шийдвэрлэх, хэвтэн эмчлүүлэх шаардлагагүй гэж үзсэн тохиолдолд зөвлөгөө өгч буцаах;
7. Үйлчлүүлэгч, ялангуяа жирэмсэн эмэгтэй аливаа эмнэлэгт хандсан тохиолдолд тусламж, үйлчилгээг хугацаа алдалгүй, шуурхай үзүүлэх, эмнэлэг хооронд явуулж чирэгдүүлэхгүй байх;
8. Алсын болон ойрын түргэн тусламжийн дуудлаганд явах унааг бэлэн байлгах, шатахууныг хангалттай хэмжээгээр нөөцлөх;
9. Жирэмслэлт, төрөлттэй холбоотой дуудлаганд тусламжийг шуурхай үзүүлэх, шалтгаан тодорхойгүй хэвлийн өвдөлттэй, хордлоготой, дайрлагын байдалтай нөхөн үржихүйн насны эмэгтэйд “Жирэмсний сорил”-ыг заавал тавьж, жирэмсэн эсэхийг тогтоож, шаардлагатай арга хэмжээг шуурхай авах;
10. Хүндэрсэн жирэмсэн эмэгтэй, хүнд өвчтөнд онцгой анхаарал хандуулж анх очсон эмнэлэг тусламж, үйлчилгээг харъяалал харгалзахгүй үзүүлэх, эмнэлэг хооронд шилжүүлж, чирэгдүүлэхгүй байх, шаардлагатай тохиолдолд эмч нарын зөвлөгөөнийг шуурхай зохион байгуулах;
11. Хяналтын хугацаандаа ирж үзүүлээгүй жирэмсэн эмэгтэйчүүдийг баярын өмнө заавал дуудаж үзэх;
12. Төрөх дөхсөн эмэгтэйчүүдийг эхийн амрах байранд урьдчилан авчирч, гарч болох эрсдлээс сэргийлэх;
13. Отор нүүдэл хийж яваа малчдад эмнэлгийн тусламж, үйлчилгээг чирэгдэлгүй үзүүлэх, ялангуяа жирэмсэн эмэгтэй, хөхүүл эхчүүд, хүүхдийн тусламж, үйлчилгээнд онцгой анхаарал хандуулж тэдэнд учирч болох эрсдлээс сэргийлэх, хяналтыг тогтмолжуулах;
14. Өвөлжилтийн нөхцөл байдал хүндэрсэн аймаг, сумдын хүн амд онцгойлон анхаарч, осол гэмтэл, хөлдөлт осголтоос сэргийлэх, жирэмсэн эх, бага насны хүүхдийг асран хамгаалах хүнгүйгээр гэртээ орхихгүй байх чиглэлээр мэдээлэл, зөвлөгөө өгөх;
15. Хоолны хордлого, осол гэмтлээс сэргийлсэн мэдээлэл сурталчилгааны ажлыг орон нутгийн хэвлэл, мэдээллийн хэрэгслээр тогтмол түгээж, албан байгууллага, аж ахуй нэгжүүдэд өөрсдийн ажилтнуудаа эрсдлээс сэргийлсэн сэрэмжлүүлэг, зөвлөмжийг өгөхийг анхааруулах;
16. Нийтийг хамарсан хордлого, осол гэмтэл, халдварт өвчний дэгдэлт болон эмнэлгийн тусламж, үйлчилгээний ноцтой алдаа, зөрчил гарсан үед Эрүүл мэндийн яамны хариуцлагатай жижүүрт шууд мэдээлнэ. Утас 323002

Гурав. Шинэ жилийн баярын хариуцлагатай жижүүрийн мэдээний урсгал:

1. Эрүүл мэндийн байгууллага нь шинэ жилийн баярын өдрүүдэд хариуцлагатай жижүүрийг томилон ажиллуулах;
2. Эрүүл мэндийн газрын хариуцлагатай жижүүр харьяа байгууллагын мэдээг авч, нэгдсэн дүнг Эрүүл мэндийн хөгжлийн төв (ЭМХТ)-ийн хариуцлагатай жижүүрт ирүүлэх;
3. Эрүүл мэндийн байгууллага нь Эрүүл мэндийн сайдын 2019 оны А/611 дүгээр тушаалаар батлагдсан АМ-36 маягтын дагуу мэдээг Эрүүл мэндийн хөгжлийн төвд хүргүүлэх;
4. Эрүүл мэндийн хөгжлийн төв нь ирүүлсэн мэдээг нэгтгэн Эрүүл мэндийн яаманд ирүүлэх;
5. Эрүүл мэндийн яамны 24 цагийн турш мэдээ хүлээж авах утасны дугаар: 11-323002, Эрүүл мэндийн хөгжлийн төвийн хариуцлагатай жижүүрийн утас-70128801;
6. Эрүүл мэндийн байгууллага хариуцлагатай жижүүрийн нэрс, утасны дугаар, тогтмол нээлттэй байх цахим хаягыг ЭМЯ, ЭМХТ-д урьдчилан ирүүлэх;
7. Зайлшгүй шаардлагаар асуудал хариуцсан мэргэжилтнийг дуудах, аппаратыг бүрэн бүрэлдэхүүнээр яаралтай цуглуулах шаардлагатай гэж үзвэл удирдлагад танилцуулан шийдвэр авч, шуурхай зохион байгуулах.

САЙД



С.ЭНХБОЛД